

## Bréf félagsmálaráðuneytisins til sýslumannsins í Þingeyjarsýslu, um skiptingu Sauðaneshrepps í tvö sveitarfélög.

74

20. júní

Samkvæmt beiðni hreppsnefndar Sauðaneshrepps og meðmælum sýslunefndar Norður-Þingeyjarsýslu, um skiptingu Sauðaneshrepps í tvö hreppsfélög, vill ráðuneytið hér með, samkvæmt sveitarstjórnarlögum nr. 12 31. maí 1927, skipa svo fyrir um sem hér segir:

1. Sauðaneshreppi í Norður-Þingeyjarsýslu skal skipt í tvö hreppsfélög, er nefnast Sauðaneshreppur og Þórshafnarhreppur. Þórshafnarhreppur nær yfir Þórshafnarkauptún ásamt öllu landi jarðarinnar Syðra-Lón og sneið af Sauðanelandi, sem ákveðst þannig: Frá þeim stað, er landamerki Syðra-Lóns og Staðarsels mætast, fylgja hreppamörkin landamerkjum Staðarsels að Gunnlaugsá. Þaðan bein lína norður Sauðanesháls á hól þann, er bæjarrúst Sauðaneskots stendur undir. Þaðan bein lína í suðurenda Máfavatns og þaðan enn bein lína beint í vestur til sjávar á Háubökkum.
2. Eignum og skuldum Sauðaneshrepps, er til skipta geta komið, skal skipta milli hreppanna þannig, að  $\frac{1}{3}$  hluti falli til Sauðaneshrepps en  $\frac{2}{3}$  hlutar til Þórshafnarhrepps. Ábyrgðir og aðrar skuldbindingar, sem á þeim hvíla áfram sameiginlega, bera þeir eftir sama hlutfalli.
3. Framfærsla núverandi styrkþega sé sameiginleg svo og þeirra, sem kunna að verða úrskurðaðir á hinn forna Sauðaneshrepp. Hreppsnefnd hvors hrepps annast um ráðstöfun og greiðslu vegna sameiginlegra styrkþega þar sem þeir eiga heimili eða dvelja. Af heildarkostnaði við sameiginlega styrkþega greiðir hvor hreppur um sig eftir því hlutfalli, sem skiptitala hreppanna ákveður.
4. Elli og örorkulaun, svo og tillag núverandi Sauðaneshrepps til Sjúkrasamlags Sauðaneshrepps, skal allt vera sameiginlegt til ársloka 1946, og greiðir hvor hreppur sinn hluta samkvæmt skiptitölu hreppanna.
5. Um skiptingu fasteigna fer sem hér segir:
  - a. Þórshafnarhreppur tekur við öllum eignum, skuldum og skuldbindingum hafnarsjóðs Þórshafnar, en Sauðaneshreppur ber að sínum hluta áfram ábyrgð á þeim skuldbindingum, sem hvíla á höfninni þegar skiptin fara fram.
  - b. Vatnsveita Þórshafnar verður eign Þórshafnarhrepps, enda tekur sá hreppur að sér allar skuldir og skuldbindingar vegna vatnsveitunnar.
  - c. Hluti hins forna Sauðaneshrepps í sjúkraskýli og læknisbústað á Þórshöfn verður áfram sameign hreppanna, og ber hvor hreppurinn um sig tilkostnað og skuldbindingar vegna læknisbústaðarins og sjúkraskýlisins í sömu hlutföllum og skiptitala hreppsins ákveður. Hrepparnir tilnefna sinn manninn hvor í nefnd þá, sem stjórnar þessum málum.
  - d. Þórshafnarhreppur verður eigandi sundlaugarinnar á Þórshöfn og annast einn rekstur hennar eftirleiðis, en Sauðaneshreppur greiðir að sínum hluta skuldir þær, er hvíla á sundlauginni þegar skiptin fara fram.
  - e. Barnaskólahúsið á Þórshöfn, ásamt áhöldum og kennslutækjum er því fylgja, skal vera eign Þórshafnarhrepps og leysir hann til sín hluta Sauðaneshrepps í þeirri eign með tuttugu og þrjú þúsund krónum.
6. Sjóði fóðurbirgðafélagsins skal skipt milli hreppanna þannig, að Sauðaneshreppur fái  $\frac{2}{3}$  hluta en Þórshafnarhreppur  $\frac{1}{3}$  hluta af eignum hans.

- 74 7. Hreppsnefndarmenn skulu vera 5 í hvorum hreppi.  
 20. júní 8. Bækur og skjöl, sem hreppsfélagið á nú, verða eign hins nýja Sauðaneshrepps, en hreppsnefnd Þórshafnarhrepps skal hafa aðgang að þeim eftir þörfum.  
 9. Fjallskil og grenjavinnsla á afréttum skal vera sameiginlegt þar til hreppsnefndirnar ákveða annað með samþykki sýslunefndar. Með þau mál skal fara þriggja manna nefnd og kýs hreppsnefnd Sauðaneshrepps 2 menn í nefndina, en hreppsnefnd Þórshafnar einn.  
 10. Aðskilnað hreppanna skal miða við 1. janúar 1946. Framkvæmd skipta á eignum, skuldum og skuldbindingum annast hreppsnefndir hinna nýju hreppa.  
 Reksturskostnað Sauðaneshrepps hins forna fram til 1. júlí 1946 greiðir hinn nýi Sauðaneshreppur að  $\frac{1}{3}$  hluta, en Þórshafnarhreppur að  $\frac{2}{3}$  hlutum.  
 Verði ágreiningur út af skiptunum, skal úr honum skorið af sýslunefnd Norður-Þingeyjarsýslu.

Þetta tilkynnist yður hér með, herra sýslumaður, til frekari aðgerða og birtingar, að því viðbættu, að með framangreindri fyrirskipan er engin breyting gerð á hinum forna Sauðaneshreppi sem dómpinghá né manntalspinghá.

75

11. marz

## AUGLÝSING

um gjald fyrir tilkynningar o. fl., sem birtist í Lögbirtingablaðinu.

Samkvæmt 6. gr. laga nr. 64 16. desember 1943, um birtingu laga og stjórnvalda-erinda, er gjald fyrir tilkynningar o. fl., sem birtist í Lögbirtingablaðinu, hér með ákveðið þannig:

1.	Fyrir tilkynningu um skrásetningu hlutafélags .....	115 kr.
2.	— — um skrásetningu firma, sem einn er eigandi að ....	25 —
3.	— — um skrásetningu firma, sem einn er eigandi að, ef jafnframt er veitt prókúruumboð .....	30 —
4.	— — um skrásetningu firma, sem tveir eru eigendur að ..	30 —
5.	— — um skrásetningu firma, sem tveir eru eigendur að, ef jafnframt er veitt prókúruumboð .....	35 —
6.	— — um skrásetningu firma, sem þrír eða fleiri eru eigendur að .....	50 —
7.	— — um veitingu prókúruumboðs, breytingu eða afturköllun á prókúruumboði .....	25 —
8.	— — um breytingu á hlutafélögum og firmum (breyt. á stjórn, samþykktum, eigendaskipti o. fl.) .....	40 —
9.	— — um að hlutafélag eða firma sé hætt störfum .....	15 —
10.	— uppboðsauglýsingu .....	90 —
11.	— fjármark .....	20 —
12.	— auglýsingu um óskilafénað, fyrir hverja kind eða hross .....	5 —
13.	— innköllun .....	90 —

Gjaldskýlt efni, sem birt er í blaðinu, en eigi fellur undir neinn framangreindra liða, greiðist með fimm krónum fyrir hvern dálksentimetra.

Gjaldskrá þessi öðlast gildi 1. apríl 1946, og fellur þá jafnframt úr gildi auglýsing frá 26. febr. 1945, um gjald fyrir tilkynningar o. fl., sem birtist í Lögbirtingablaðinu.

Í dómsmálaráðuneytinu, 11. marz 1946.

Finnur Jónsson.

Gústav A. Jónasson.